


**Sebija Izetbegović**  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo

n/r predsjedavajućeg Skupštine Kantona Sarajevo



**Uputiti:** Vlada Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo zdravstva Kantona Sarajevo

## ZASTUPNIČKA INICIJATIVA

**Predmet:** Inicijativa za unapređenje zdravstvene zaštite u JU Gerontološki centar Sarajevo kroz izmjenu uslova zapošljavanja zdravstvenog kadra i osiguranje kontinuiranog prisustva ljekara

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da Vlada Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo zdravstva Kantona Sarajevo poduzmu aktivnosti na unapređenju zdravstvene zaštite u JU Gerontološki centar Sarajevo, kroz: izmjenu uslova zapošljavanja zdravstvenog kadra, primjenu Kolektivnog ugovora u zdravstvu na ljekare i medicinsko osoblje, te osiguranje češćeg i kontinuiranog prisustva ljekara u ustanovi.

### Prijedlog mjera

S tim u vezi predlažem da nadležne institucije:

1. Izvrše analizu važećih propisa i organizacije rada u JU Gerontološki centar Sarajevo, posebno u dijelu zapošljavanja zdravstvenog kadra.
2. Omoguće da se na ljekare i medicinsko osoblje u ovoj ustanovi primjenjuje Kolektivni ugovor u zdravstvu, kako bi se obezbijedili konkurentniji uslovi rada i zapošljavanja.
3. Poduzmu mjere kako bi se osiguralo kontinuirano i svakodnevno prisustvo ljekara u ustanovi, u skladu sa potrebama korisnika.
4. Razmotre mogućnost dodatnog angažmana medicinskog kadra, kako bi se unaprijedio kvalitet zdravstvene zaštite i dostupnost zdravstvenih usluga korisnicima.

### Obrazloženje

Prema dostupnim informacijama, trenutni angažman ljekara u JU Gerontološki centar Sarajevo, koji podrazumijeva dolazak dva do tri puta sedmično u ograničenom vremenskom periodu, nije adekvatan za potrebe velikog broja korisnika, posebno imajući u vidu da se radi o starijim osobama, od kojih je značajan broj nepokretan i sa složenim zdravstvenim stanjima.

Istovremeno, zbog nepovoljnih uslova zapošljavanja, koji su dijelom definisani kroz primjenu propisa koji nisu prilagođeni specifičnostima zdravstvenog sektora, evidentan je nedostatak zainteresovanog medicinskog kadra za rad u ovoj ustanovi.


Uvođenjem primjene Kolektivnog ugovora u zdravstvu, kao i unapređenjem organizacije rada i uslova zapošljavanja, stvorili bi se preduslovi za privlačenje kvalifikovanog medicinskog kadra, te obezbijedilo kontinuirano pružanje zdravstvene zaštite korisnicima.

Cijeneći da se radi o posebno osjetljivoj kategoriji stanovništva, smatram da je neophodno osigurati adekvatnu, kontinuiranu i dostupnu zdravstvenu zaštitu u okviru ove ustanove.

Molim da nadležne institucije razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

**Sebija Izetbegović**

A black rectangular redaction box covering the signature area of the document.